



Шолюм ол, порилык да гын бер!

3-шо (3287) №,
2017 ий 21 январь,
шуматкече.

ЯМДЕ-ЛИЙ

1933 ий 1 февраль годсек лектеш.

0+

Сүрөтчө

Те иктаж-кунам шкендам сүрөтлен онченда? Огеш лек мо? Туге шол, портретым ышташ куштылго огыл. Туге гынат республикыште эртаралтше «Творческий автопортрет» лүман конкурсыш 201 үдыр-рвезе шке пашажым колтен. Портрет-влак выставке Йошкар-Оласе Мер политик рүдериште 13 январьыште почылтын. Самырык сүрөтчө-влак Йошкар-Оласе, Козьмодемьянск, Волжск оласе да Марий Элысе куд районсыо сымектыш ден художественный школлаште ты мастарлыклан тунемт. Автопортретым ышташ могай гына йөнум огыт кучылт: шкем воштончышыш ончен, фото гыч да моло семынат сүрөтлат.

Түрлө ийготан-влак коклаште 25 сеньышым палемдыме. Ик пашаж дене тендамат палымым ыштена.

Н.СЕМЕНОВА.

түндыште



Александра САШИНА.
Волжск оласе йоча художественный школ. Преподавательже - Л.Н.Ахметзянова.

Үдыр-рвезе-влак, ойырен налме предмет-влак дене 2017 ийыште ЕГЭ-м кучаши йодмашым 1 февраль марте пуэн шуктыман.

25 январь – Студент-влакым аралыше святой Тачанан кечыже. Йоча-влак, студент ака-изада-влакым да Таня лүман чыла палымыдам пайремышт дене саламлыза.

2017 ийын I пельжлан «Ямде-лий» газетлан подпискым ыштыше-влак коклаште эртарыме лотерей модышнам 28 январьысе номерыште иктешлена.

«Ямде-лий», эре-лий!

Увер-выр-выр



Морко район гыч увер

В.Е.СМИРНОВ (Коркатово): 1.«МарГУ лицейште Самырык журналистын школжым почын». 2. «Марла чын возена» район акцияшке 500 наре йоча ден кугыен ушненыт».

Е.В.ГРИГОРЬЕВА (Шүргыял): «Этнокультур предмет-влак дене району-со олимпиадыште 134 тунемше уш-акылжым терген. Морко посёлкысо 1-ше да 2-шо №-ан, Унчо, Кожлаер, Шенше, Нурүмбал школлаште, Коркатово лицейште тунемше-влак келге шинчымашым ончыктеныт».

«Ямде лийын» чап онгаже



Волжский район Сотнур школын 9-ше «Б» классыштыже тунемше Дима УШКОВ

Ударник, тале спортсмен. Ече дене тагасымаште иктагашыже-влак коклаште районшто, республикыште эре икымше верым сеген налеш. Первоуральск олашке ече тагасымашыш миен. Армиеш кайышаш рвезе-влакын спартакиадыштышт вийжым терга. Туапсе олаште эртыше «Президентские игры» тагасымаште Марий Элын чапшым арален. 2016 ийыште «Зарница Поволжья» всероссийский тагасымаште гранатным кышкыме дене Российыште кокымшо лийын.


Историйым шергалына



Кирилл ПЕТРОВ, Йошкар-Оласе 68-ше №-ан йочасад:

«Ямде лий» газеттыште увертарыме «Пушкыдо модыш» конкурсышто сегышыш лекмемлан чот куаненам! Мыланем колям пöлекленыт (снимкыште). Ынде эше ик йолташем ешаралте».

22 январь - Аркадий Петрович Гайдарын (чын фамилийже - Голиков) шочмо кечыже. Граждан сар годым 14 ияш Аркадий Йошкар Армиеште служитлен. 15 ияш взвод дене командоватлен, 16 ияш - рото дене, 1921 ийыште полкын командирже лийын.



«Р.В.С.» лүман икымше книгаже 1925 ийыште лектын. «Школа», «Чук и Гек», «Судьба барабанщика», «Военная тайна» произведенийже-влакым шукын палат.

27 январь - Ленинград олам блокаде «Тимур и его команда» повестьше тимуровский деч тичмашнек утарыме кече. Блокаде 872 йүд-кече шуйнен. повестыше тимуровский движенийым шочыкташ амалым пуэн. Ик миллион утла егын үмыржö лугыч лийын.



Рошто пайрем

Школышто Рошто пайрем эртыш. Шке рольыштым Рома Афанасьев, Давид Кондратьев, Женя Семёнов, Станислав ден Никита Васильевмыт, Диана Семёнова, Полина Осипова, Ульяна Фёдорова, Виктория Прохорова пеш мастарын модыч. Виктория Осипова ден Лена Иванова почеламутым сылнын лудыч. Арина Кондратьева ден Лиана Семёнова пайремым вудышт. Бачышка иерей Лев Федотов пöлекым кучыктыш, поро сугыным пуыш.

Марий Турек, Арбор.

Л.Н.СЕМЁНОВА.

Марий литератур урокышто «Ямде лий» газетым уло класс дене лудына. Марий Элысе йоча-влакын ылышыштым, тунемме пашаштым пален налына. Мыят ылышна нерген увертараш тїналал.

Ангелина БАХМЕТОВА.

Татарстан, Мамадыш район, Тошто Черкас.

Рошто пайремым чот вучышна. Йоча-влак почеламутым каласкалышт, мурышт. Изи үдыр-влак суксо лийын куштышт. Йомакче түрлө заданийым пуэдыш. Йоча-влак Евгений ача дене пырля Тропарыым йонгалтарышт. Алексей ТОМЦЕВ, 4-ше класс. Волжский, Кугу Порат.





ПАМПАЛЧЕ:

Эчук, 13 январьыште Печать кечылан пӧлеклалтше пайрем М.Шкетан лӱмеш драмтеатрыште пеш сайын эртыш вет?

ЭЧУК: Мылам пеш келшыш.

Калык шуко погынен ыле. «Ямде лий» газетнан пашаеҥже-влакым саламлыме годым поснак куанен ончен шинчышым.

ПАМПАЛЧЕ: Мыят. Кодшо номерыште кок сеңымах нерген возенна ыле. А ынде айда лудшына-влакым палдарена, ко могай чапкагазым налын.



Печать кече дене!

Российыште «Ведомости» икымше газет 1703 ийыште лектын.

Тӱн редактор Лидия СЕМЕНОВА Кугыжаныш Думын депутатше С.Ю.Солнцеван Таумутшо дене палемдалтын.



мыжлан Таумутан серышым да премийым налын.

Ответственный секретарь Анфиса ЭМАНОВА Марий Эл Республикысе тазалыкым аралыше министерствын эрта-рыме журналист конкурсышто сеңы-



Редактор Людмила ГРИГОРЬЕВАЛАН Россий Федерацийысе связь да массовый коммуникаций министерствын Почётан грамотшым; Кугыжаныш Думын депутатше С.Ю.Солнцеван Таумутшым



кучыктым.

Самырык пашаен Наталья СЕМЕНОВАЛАН «Единая Россия» Всероссийский партийын Марий Элысе региональный пӧлкажын Таумутшым пуымо.

Сеңымах куштылгын ок тол. Калыкмут.



28 июль-7 август (тошто стиль дене 15 июль-25 июль) Ёпӧ (Уфимский) губернийысе (кызыт Пошкырт кундем) Пӱрӧ (Бирск) олаште I Марий Погын эртен. Тушто 178 делегат лийын: Ёпӧ губерний гыч – 130 еҥ, Озан губерний гыч – 19 еҥ, Виче губерний гыч – 27 еҥ, Пермь да Лифляндский (Эстоний) губернийла гыч – 1 делегат дене.

Тошто стиль дене 15 июльышто погынын делегатше ден унаже-влак Пӱрӧ туныктым шоколышто погыненыт. 10 шагат эрдене чылаштым Пӱрӧ олесе марий-влакын ушемштым вуйлатыше В.М.Иванов саламлен. Вара погын пашажым тӱналын.

Савыктыш паша секцийыште «Война увер» газетым Озан губернийышке нангаяш да «Ўжара» лӱмым пуаш пентгыдемдыме. Икымше номерым 1918 ийыште лукташ кутырен келшыме.

Программе ныл ужашлан шелалтын:

1. Политике да экономике, социальный йодыш-влак.
2. Калык просвещений.
3. Савыктыш паша да калык усталык.
4. Религий дене кылдалтше йодыш-влак.



2020 ИЙ

МАРИЙ ЭПЛАН - 100 ИЙ

ЭЧУК: Пампалче, акрет годсо арвер кызыт уло мо, кузе шонет?

ПАМПАЛЧЕ: Кодын-кодын. Мый палем, кушто нуным аралат.

ЭЧУК: Мыят палем, тоштерыште. Айда ик тыгай тоштерым ончалына.



Школын поянлыкше

Марий калыкын ожно кучылтмо озанлык үзгарже-влакым тоштерыште огыл гын, кызыт эше кушто ужат? Мутлан, **тулем, комдым, олдырчым, кугу кутасым, изикем...** Ниныже мо тыгай улыт манын, шукынжо өрмалгышда, очыни? Кугу Орша школышто тунемше-влак нине арверым кучен ончен кергыт. Тоштерлан тўналтышым 1996 ийыште школ директор Сергей Леонтьевич Камаев пыштен. Кызыт **400 утла экспонат** уло. «Йоча-влак дене пырля ял еда тошто арвер-влакым поген коштынна, – каласкала марий йылмым да литературым туныктышо З.В.Иванова. – Кугу Оршаште Иван Петрович Шашковын гына эргыме станже лийын. Ял калык туддек шўртым ышташ коштын. Тиде стан кызыт школын тоштерыштыже шога. Могай чапле экспонат-влакым арален коден кертынна!» Зинаида Васильевна «Мыйын мландем – мыйын суртем» шымлыше кружокым вўда. Тўналме пашам икшыве-влак дене пырля умбакыже шуят.

Л.ГРИГОРЬЕВА.



Оршанке район.

Кайык үстел



Шийште ик секундышто 20 гана пералта.

Вашла полшена

Школыштына «**Кайыкклан – үстел**» **акций** эртаралтеш. Йоча-влак шулдыран тагна-влакклан кормушкым ышташ, кочкышым опшат. Тыге ме изи йолташна-влакклан неле жап годым полшена. А нуно кенжежым пакчашкына шукшым пытараш толыт.

Йоча-влак, ушныза мемнан акцияш.
Карина САПАРОВА,
5-ше класс.
Шернур, Летник.

Поланвондо

Теле тольо, ош лум возо,
Чылажат сўрал коеш.
Корем воктен поланвондо
Йошкаргалын шогылтеш.
Полан кичкыш

кечыйолжым
Йывырталын колталеш.
Тутло кичке

кайык-влакым
Куанен толаш ўжеш.
Саскам нале, йывыртале
Да чокештыш кайыкна.
Поланвондо шкетын кодо,
Кичке ыш код мыланна.

Янина САНДАКОВА,
3-шо класс.
Шернур, Купран.

Йоча-влак,
Морко районысо Арын школан Совет Ушем Герой В.И.Соловьёвын пуымо. А тендан школда кўн лўмжым нумалеш?
Возыза.

Куанем ты ялеш шочмемлан

Изи Корамасем чодыра лишне, ший вўдан памаш воктене верланен. Ял покшеч Яранке эгер йога. Ты ялеш Сергей Чавайн шочын. Суртшо пелен лывырге куэ одарланен кушкеш. Совет Ушем Герой Василий Соловьёват мемнан ял гыч. Пўртшў воктене шарнымаш онам почмо. Тиде верыш мыят толаш йўратем, пеледыш аршашым кондем. Арын школна геройын лўмжым нумалеш. Чолга земляк-влак дене кугешнем, илыш корныштым шымлем.

Света АНДРИАНОВА.

Морко район.



Легенде

Килоер

Шым ер коклаште Килей луман тулык рвезе илен. Тудым пүртүс пукшен-йүктен, чонжым куандарен куштен. Килей коклан ялыш толеден. Тушто Кечывий танже илен. Но үдырым поян ачаже весылан марлан пуэн. Тиддеч вара Килей чодыра гыч лектынат огыл. Икана Морко кундем гыч Тойдыган йолташыжым унала ўжын. Сылне вершөржым ончыктен коштын, чонжын молан йулымыж нерген ойлен. А кастене малаш возын да тетла кынелын огыл. Тойдыган йолташыжым ер сереш тоен. Шүгар ўмбаланже тумым шынден. Кызытат тиде патыр тумо уло, воктеныже ятыр самырык тумо кушкеш. Сай йолташыжым шарнен, Тойдыган мотор кундеммыш ешыж дене илаш куснен. Тыге Шемьер ял шочын. А Килейым шарнен, ерым Килоер маныт.



Волжский, Пөтъял.

Иван КОШАЕВ.

Түзлане, элем

Марий сем шергылтеш,
Кумыл күшкө нөлталтеш.
Кажне кечын,

кажне ийын

Марий Элнаже пеледеш.

Түрлө калык, ваш келшпалын,
Эре ончыко вашка.

Марий кундем, түзланалын,
Эрлаш кумылын онча.

Эмилия АЛЕКСАНДРОВА,
6-шо класс.

Морко, Коркатово.

Шочмо вер

Шордүр ялна ныл уреман. Шуко оралте уло. Кок кевыт калыклан сатум темла. Шочмо ялем эн мотор.

Нина КУДРЯШОВА.

Мый Тыгыде Морко ялыште илем. Ялыштына ныл урем уло. Кажныже шке семынже мотор. Ме ялыштына шочынкушо тале марий, учёный, писатель В.А.Мухин-Сави дене кугешнена.

Карина НИКИТИНА.

Йошкарэгер ялна XVIII курымышто шочын. Мүндыр вер гыч толшо марий-влаклан тиде кундем келшен: воктенак – чодыра, эгер йоген кая. Пүртүс пеш мотор. Ялыштем поро калык ваш полшен ила.

Валентина ФИЛИПОВА.

Морко район.

Шочмо ялышт нерген Морко район



гыч Сергей Кушаков (Коркатово), Татьяна Майкова (Изи Маршан), Лилия Шабалина (Зеленогорск), Даша Павлова (Йыгын), Яна Алексеева, Владислав Уразаев (Йыр), Илья Константинов (Шүргыял), Анатолий Гришкин, Оля Алексеева, Аня Семёнова (Энерсола), Волжский район гыч Настя Землянитская (Куэрсоло), Юрий Савельев (Вакутсола), Света Цандекова (Карай) возеныт.

Шорыкйол

Уремыште 30 градус йүштө ыле гынат, ялышкына Марий түвыра рүдер гыч Васликува, Васликугыза да молат тольыч (снимкыште). Нуно мемнан декат пурышт. Ондакше ме лүдна, но нуно пеш весела улыт улмаш. Гармоньчын шоктымыж почеш меат муренкуштенна. Уна-влак авамын шонешталтше пуражым, поян чесым тамленит. Сай сугыным пуэн коденит. Ынде Шорыкйол пайрем нерген шуко пален нална.

Наташа КУРОЧКИНА, 5-ше класс.
Марий Турек, Марий Купто.



Марий рудрын фотожо.

Варале ялна

Варале ялем кум уреман. Воктечак Возжайка эгер йоген кая. Тушко шуко памаш йоген пура. Эше Ильма курык уло. Тудым Юмо дене мутланyme верлан шотлат. Ты верыште пушентым руаш, вурседылаш, шүкшакым кышкаш ок йөрө. Шочмо ялем чот йоратем.

Алексей СТЕПАНОВ.

Варале ялем воктене кок пүя уло, йырже чодыра ден пүнчер гүжлат. Урок деч вара, мөнгысө пашам пытарымеке, пүя ўмбаке мунчалташ коштына. Ече дене коштмо годым пүртүсын моторлыкшым ончен, шерет ок тем.

Юра КУЗНЕЦОВ.

Одо кундем,
Алнаш, Одо школ.

МАРИЙ ЭЛНАН - 100
2020 ИЙ





Уремыште йўштө теле озалана. Мардеж кажне кечын лум тутаным пўтыра. Шем пўртын изи окнаж воктене шояк Метрий кугыза чылымым шупшын шинча. Ялт укем шонен луктын каласкалаш йоратымыжлан көра тудлан пошкудыжо-влак «шояк» лўмедышым тушкалтенит.

Кузе мари́йым пире утарен

Метрийын пылышыжлан коклан пире урмыжмо йўк шокта. Тений пире-влак ты кундемыште тўшка дене коштыт манын ойлат. Метрийын чонжылан нелын чучеш:

– Шўкшө пөрт гынат, айда йөра. Ялт пөртышкак огыт пуро, – шоналтен, конга воктекрыак шинче. Кова кочан тарванылмыжым ужын пелештыш:

– Коңганажат шокшак огыл, кугун олташ пу уке. Эрла ала чодыраш пулан миен толат?

Телым вашке огеш волгыж. Корно кояш тўналмеке, Метрий, издерым шўдырен, чодыра велыш ошкыльо. Пире деч лўдмыжлан көра пеш келгышкак ыш пуро. Кож укш-влакым погыш, йөралтше самырык пушенгымат тодышт опгыш, издер пелен кылден шындыш. Каяш гына тарванен ыле, кенета чашкер кокла гыч пире тўшка лектын шогале. Кочайын ўпшө копыж-ж лие, пылышан упшыжат нөлталтме гай чучо.

Шонгеммеш илен, а

Газетнан тынар пирым тиде номерыштыже икымше гана мутым шылтенна. Кажне вашлиеш. – Ынде лаштыкыште – ик буква. – н ы т ы - ш ы м, – М е т р и й л у м Кө нуным эн ончыч муэш да редакцийышкына тиде мут дене кылдалтше изирак ойлымашым возен колта, ты еным пөлек вуча. Вашмутдам 28 февраль марте колгыза.

ўмбаке лопке волен шинче. Пире-влак лишкырак да лишкырак толыт, шинчашт йўла. Теве-теве коча ўмбаке кержалтыт. Но кенета тўшка гыч кугу капан ик пире коча ончыко төрштыш. Тудо янлык-влак ваштареш шогале да, пунжым овартен, чот гына урмыжал колтыш. Йўкшө чодыра мучко шергылте. Пире-влак йынысалтышт, кугу капан пире нунылан мом каласыш, ала? Но тиддеч вара моло пире-влак чодыра лонгашке пурен йомыч. Утарыше пире коча велке савырнен, воктекеже миен шинче. А Метрий лўдмыж дене ни тарванен, ни пелештен ок керт. Вара чонжо пурыш, витне, пирым эркын ниялткалаш тўнале:

– Айда ынде пырля каена. Тый мыйын йолташешем лият да аралаш тўналат.

Пире шонгын шинчашкыже тура ончале, вуйжо гыч ниялтыме келшыш витне. Коча, издерым шўдырен, утарышыж дене пырля мөнгыжө миен шуо. Мо кузе лиймым


куважлан каласкалыш. Тудыжо пелашыжын шояче улмыжым пален, ыш ўшане. Кугыза уэш-пачаш умылтараш ыш тўнал. Куважым кидше гыч кучыш да кудывечыш лукто. Кува ормыж дене верешыжак волен шинче.

Метрий коча йолташыжлан тауштен, кол шўрым пукшыш, илашыже изи пөртым келыштарыш.

Тыге чодыра янлык айдеме-влак коклаште шарлыш. Тукымжо кызытат мемнан пелен ила, нуным пий манына.

Э.В.ЗАХАРОВА.

Параньга, Матародо.



Иодыш-влак:

- ✓ Метрий кугызалан молан «шояк» лўмедышым тушкалтенит?
- ✓ Коча кузе пире тўшка деч утаралтын?
- ✓ Коча утарышыжлан кузе тауштен?

Поро кумыл чоным сымыстара. Калыкмут.

Кидмастар



Агытан – икымше пассажир

Францийыште изак-шоляк Монгольфье мыт 1783 ийыште икымше юж шарым понен луктыныт. 19 сентябрьыште Версаль олаште тушко лудым, агытаным, тагам шынден, кўшкө колтеныт. Шар 8 минут чонештен, но 500 метр кўкшытыштө



Нурсола алыштына ургымо цех пашам ышта. Ёдырамаш-влак пашазе-влак лан лўмын вургемым ургат. Паша кокла гыч У ийлан теве тыгай мотор лумьен ден агытаным ургеныт.
Александра СТЕПАНОВА.
Волжский район.

21 январь - Ёндадалтмашын тўнямбал кечыже



Т у д ы м
США-ште 1986 ийыште палемдаш тўнгалыныт. Ты кечын лишыл ендам, шерге йолташдам миен ёндам, кумылжым нёлталза.

У машина

Каникулым пайдалын эртарышым. Дима, Артём, Андрей да мый школысо мастерскойыш коштна. Тушто труд урокым туныктышо Юрий Петрович Нагаев вучен. Ме снегоходым ыштена. Туныктышына шуко шинчымашым пуа, пашалан туныкта.

Иван РЕПИН,
6-шо класс.
Советский, Ёрша.

14 январьыште лекше «Физкульт – Ура-а-а!» лаштыкысе йодышлан ваимут: рвезе-влак кажныже вес ет дене, чылаже н ы л ы т ы н , модыныт.

Шекланыва

Ватрушко

дене мунчалтымаш ик эн лўдыкшылан шотлалтеш. Мунчалтыме годым ватрушкым ни чараклаш, ни викараш ок лий. Тудо, вошышжла, скоростым утыр виянда, шке йырже пёрдын савырнен кертеш. Сандене, йоча да кугыен-влак, чот тўткө лийза, икмынар канашым шотыш налза:



✳ Лўмын келыштарыме верыште мунчалтыза.

✳ Мунчалтыме верым шке ямдыледа гын, вершорым чот шымлыза. Лаке, корем улмым тергыза. Курык тайыл кўкшө ынже лий. Мунчалтен волымо вер кумда да чара лийже.

✳ Вондерла, пушегыла кушмо верыште ида мунчалте.



Токко-вактым ушыза да весела клоуным суретлен пытарыз.

✳ Ватрушкыш коктын ида шич.
✳ Курык гыч волымыда годым кок ватрушкым почела ида пижыкте.

✳ Мунчалтыме корно ярсымеке веле волыза. Но вес ет дене керылтшашдам трукышто шижын шуктеда гын, ёрдыжкө тўрын лийын, ий корно гыч коранаш тыршыза.

✳ Мунчалтыме годым кынелаш але тёршитылаш ида тўчө.

Ватрушкым машинан, снегоходым, квадратиклыш кылден ида мунчалте. Чот лўдыкшө!



Тест

У ий нерген

У ийым 1 сентябрь гыч 1 январьш кусараш кө күштен?

А.Князь Владимир. Б.Петр I кугыжа. В.Иван Грозный кугыжа.

Йүштө Кугызан прототипше.

А.Шонго кугыза-чодыра он. Б.Джинн. В.Шнуй Миклай (Святой Николай) – Мирликийский епископ.

Российысе Йүштө Кугызан илыме верже.

А.Вышний Волочёк. Б.Великий Новгород. В.Великий Устюг.

Француз Йүштө Кугызам кузе лүмдат?

А.Санта-Клаус. Б.Бобо Натале. В.Пер-Ноэль. Лумұдыр Йүштө Кугызалан кө лиш?

А.Ўдыржө. Б.Уныкаже. В.Шүжарже.

В. КУГОРНО ямдылен.



Авторын фотожо.

Толын Агытан идалык,
Лийже волгыдо сандалык.
Тўнъямбалне лийже келшымаш -
Йоча-влаклан куанен илаш!
Н.ГОДУНОВА.

Ача-авашт пашаште улмо годым Оля ден Сергей модшыштла чыла кышкылт пытареныт. Ынде нунылан пырысым, олмам, кистычкым, черепахым, сортам, ботинкым, скакалкым, самокатым муаш полшыза.

Спутник Мланде йыр ик ганаже 1 шагатат 40 минутышто савырна, вес ганаже – 100 минутышто. Тыге лийын кертеш мо?

(шйнпш 07 шшшггт I эрпш - шйнпш 001)

Вашмут (14.01.2017, «Модыш пöрт» лаштык): Петю 31 декабрьыште шочмаш. Таче 1 январь лиймаш, ончыгече (30 декабрьыште) Петю 17 ияш лийын, теҥгече (31 декабрьыште) 18 ийым темен, теҥий 19 ияш лиш, в вес ийын 20 ийым пога.

Кроссворд

1.Шыжым толшо пайрем. 2.Пасу паша дене кылдалтше пайрем.

3.Идалыкым тўналше пайрем.

4.Кенез толеш – тиде пайрем шуэш. 5.Рушлаже Пасха, марлаже... 6.Кенез пайрем.

Инна СТЕПАНОВА, 9-ше класс. Морко, Коркатово.



Индекс: Марий Элыште - 78574, вес кундемлаште - 52713. Тираж 1150 экз. Заказ 73. Формат – А-4-8. Директор-тўн редактор Л.В.СЕМЕНОВА.
E-mail: yamde.lii@mari-el.ru, yamde.lii@mail.ru
Сайтын адресше: yamde.lii.ru, Тел. 45-25-49(факс); 45-22-82.

УЧРЕДИТЕЛЬ-ВЛАК:
Марий Эл Республикысе культур, печать да калык-влакын пашашт шотышто министерстве, «Ямде лий» газет» кугыжаныш унитарный казенный предприятий.

Газетым Массовый коммуникаций сферыште да культур наследиым аралымаште законодательством шуктен шогымым эскерыше Федеральный службыв Приволжский федеральный округысо управленийыштыже регистрироватлыме.
Номер – ПИ №ФС 18-1999, 2005 ий 10 февральыште пуымо.

Печатыш пуымо жап – 14-00, фактически – 13-00. Ак – кутырен келшыме почеш.

Авторын да редакцийын шонимашышт тўрлө лийын кертыт. Серыш-влак мөнгеш огыт колталт.

0+

Газетым редакцийыште погымо да верстатлыме, «СТРИНГ» ИПФ ООО-што ямде оригинал-макет гыч савыктыме. Типографийын адресше: 424006, Йошкар-Ола, Строитель урем, 95.

Редакцийын да издательын адресше: 424006, Йошкар-Ола, СССР Вооружённый Вийын 70-ше идалыкше урем, 20.